

平叔怒曰速持去我生平不愛牡丹况是單葉時人無  
不爲笑

張氏可書

張咸漢州人應制舉初出蜀過夔州郡守知名士也一  
見遇之甚厚因問四科優劣之差見於何書張無以對  
守曰載孟子註中檢示之且曰不可不牢攬之也張道  
中構思著論成篇至都閣試日以此爲首題張更不注  
思而就主文范淳夫也覽之大喜遂置第一張卽忠獻  
公父也

父彥博慶歷閒知益州多燕集有飛語至京師御史何